

իրբւե լուաւ Մարիամ, խնդութեամբ եմուտ ի յայրն եւ առեալ զմանուկն ի գիրկս իւր, ուրախութեամբ սրտիւ լցաւ, և գոհութեամբ օրհնէր և փառաւոր առնէր զԱստուած և լուութեամբ կայր անդ: Եւ Յովսէփ մատամբն ցուցանէր զայրն ի հեռաստանէ, և մոգուցն խնդութեամբ հասեալ ի դուռն այրին, և տեսեալ ըզմանուկն յանբանից մսուրն և յերես անկեալ երկըրպազանէին նմա թագաւորքն և իշխանքն և մեծամեծքն, և այլ ամենայն զօրք բազմութեան ժողովոյն, և բերեալ մատուցանէին իւրաքանչիւր զնուէրս առաջի նորա: Եկն յառաջ Գասպար թագաւորն Հընդկաց, և բացեալ զնարդոս մեծագին, զստաշիս, և ըզկասիայ, զկինամոն, զկնդրուկս եւ զայլ ծխանելիսն անուշահոտութեան իւղոց եւ խնկոց, և առժամայն հոտ անմահութեան ելից զայրն՝ յորում նստեալ էին անդ: Իսկ Պաղտասար թագաւորին արաբացւոց բացեալ զզանձս մեծութեան իւրոյ, և տարեալ մատուցանէր առաջի նորա ոսկի և արծաթ(*), ակունք, մարգարիտ գեղեցիկ և շափիւղայ պատուական: Իսկ Մեղքոն թագաւորն Պարսից բերեալ զմուռն, հալուէս, զբեհեզս և զծիրանիս և զայլ կտաւս պատանաց: Եւ իբրեւ մատուցին իւրաքանչիւր զընծայս իւրեանց ի պատիւ որդւոյ թագաւորին Իսրայէլի, յայնժամ յաբուցեալ թագաւորին ի յայրէն առնէին բացուստ մեկուսի երեքեանն, և միաբանեալ երեքին նստան...:

(*) «Արդ երեսուն արծաթի ասէ, կամ թէ արծաթի էր դանեկան ժամանակիս, կամ պատկեր էր երեսուն արծաթի՝ որպէս ուման ասեն, զոր բերին մոզ Տեառն մերոյ, եւ Մարիամ եւ ընծայս Տաճարին՝ յորժամ ընծայեցոյց զնա, զոր տեսեալ Յուդայի ցանկացաւ՝ եւ խնդեաց. եւ փոխանակ զվարդապետն մասնեաց, որպէս ասի...» (Յոր. էջ 51),